



BIBL. NAT.
Vitt. Emanuele III

SUPPL.
PALATINA

C

279

NAPOLI

Suppl. Palat. c 879

1097

ORATIO
IN ANGELUM ANTONIUM SCOTTUM

ARCHIEPISCOPVM THESSALONICENSEM

HABITA INEVYTE ANNO SCHOLASTICO MDCCCLVI

IN COLL. NEAP. SOC. IESV

A CHRISTOPHORO COPPOLA

IN ROSM COLLEGIO RESTORACE PROFESSORE

Accedunt aliquot Carmina in obitu eiusdem exarata.



NEAPOLI



APVD RAPHAELEM TRAMATER





1846.





LECTORI

Adolescentibus qui ad me deducterentur, quo Rhetoricam didicerent, meas curas debere tantum existimavi, quod hae partes mihi a Societatis magistris datae fuerant. Quare vocem meam intra ludi parietes continui; neque ad alios ea quae dicerem, ac sciretorem permeare patiebar. Verum hi ipsi, quibus loquebar ne scirebam, quod aliquid iis inesse existimabant, quod aliis etiam prodesse posset, ut ea in adspectum proferrem, peccati quotidie, ac etiam flagitiae non desisterant. Quibus ego ea respondere solebam, quae omnes, qui quantum valeant sentiunt, passim patefecerunt; me aetati sane cultissimae sa-







tisfacere non posse, ac alias esse, quorum studio
ac laboribus illustrari litterae possint, ac communis
patriae decus augeri. Vatum perseverantiam hanc
meam vix tandem officium ac pietas, qua negari
a me non posse intellexi vocem meam illius memo-
riae conservandas ac propagandas, cuius studio me
non semel, Societatem autem meam saepe ornatam
sciebam. Ergo oratiunculam, qua laudes Angeli Au-
tonii Scotti prosequutus sum, aliis legendam cedo,
quam si mei aequo animo accipient, spero fore, ut
alia, quas antea a me scripta adhuc premuntur,
diutius non desiderentur.



Cum multa sint quae ad adolescentium studia inflamman-
da in publicis gymnasiis constituta sunt, tum illud non mi-
nimo in loco ponendum indico, ut virorum, qui litterarum
gloria maxime floruerint statuis atque imaginibus aedes
illas sanctissimas ornarentur. Quantum enim ad animos
excitandos illae valeant, ac quanta illo conspectu studii ala-
critas accedat, si profecto intelligant, quibus cum exploratae
sunt omnium temporum historiae, his saepe ad ardua ac
magna in omni re capienda excitatos homines memine-
rint. Quod facile mihi esset ostendere, si ea tantum repetere
vellem, quae in plerisque ex Atheniensibus imperatoribus
facta sunt; quos scimus ad bella atque armorum labores
saepe arrectos fuisse, quod in magnorum ducum monu-
menta incidissent quae contemplerentur. Ergo eorum studia
maxime laudanda, qui id egerunt, ut quos viros ac florentes
gloria viros coram cernere nepotes non possent, aliqua tamen
ratione coloribus aut saxo expressos ipsis obicerent, quo
et socordiam, si qua forte teneretur, excuterent, atque ad
labores ac studia incenderentur. Verum licet nobis, quibus id
vel natura vel ratio dedit, ut possumus verbis efficere, quod
alii saxis ac coloribus, aliquem virorum illustrium ex inferis



pene excitare, eumque, quantum verbis assequi possumus, effigere, ac in gymnasiis nostris constituere, que illi moveantur, quos ut maxime interest accendere atque excitare, ita non facile verbis ac ratione persuades. Itaque a sapientissimo Mutinensi consilio iampridem constitutum memini, ut eum insecute anno novum studii curriculum aperiendum esset, ille cui hae partes mandarentur, omni alia re omissa, aliquem ex illustribus civibus, quos maxime fama celebraret, vita functum a morte pene revocaret, ac verbis expressum simulacrum studiosae inventuti obiceret. Hanc mihi rationem sequi hoc anno, que octavo ex hoc amplissimo loco dico, visum est. Cum enim id unice in meis orationibus specularem, ut horum adolescentium animos moverem, quo ea duo, quae maxime a nobis accurantur, inflammato studio persequerentur, ut ad omnem humanitatem ac pietatem simul informarentur, saepe de illa dixi, de hac etiam non semel: verum hoc anno, quoniam et vos etiam aliquid novi expectare puto, aliam rationem sequi statui; ac quod tum verbis efficere conatos sum, nunc vehementius exemplo proposito urgere. Quamvis enim omnibus importune, mihi certe commode evenit ut nobis, ac litteris immatura morte ereptum Angelum Antonium Scotti loggeremus. Illi certe ut nemo fuit, qui vivo honores non haberet, ita vita functo nulla non iusta persoluita. Itaque luctuosissimae illae voces dolore simul ac laude plenae vix conciderunt; ac cum multa dicta sicut, multa adhuc dicenda superesse videntur; imo et novos oratores quaeri, qui tantam memoriam emori atque aboleri non sinant. Equidem ut arctissimo consuetudinis vinculo clarissimo viro adhaerebam, ita maiorum etiam meorum vulnere excitatus hoc illi officium persolveram. Itaque elucubrationem hanc meam et quaesitam, et desideratam etiam scio. Verum ad alia ego illam tempora reservabam. Hunc diem expectavi, ut cum amplissimis

omnium undique viris doctissimi oratores satisfecerint, mihi partes reliquerim, ut instituendae iuventuti servirem. Oratorem igitur, qui fuerat aliorum auctorum mos, a me non expectate: simulacrum quoddam ea quae eloquor esse velui, in quod intueantur potius, quam stupeant adolescentes. Qua igitur via ille ad summos honores contenderit, quos tandem consequutus sit, quis eorum fructus extiterit cum ostendero, spero fore, ut non modo omni nota caream, quod haec iam vulgatissima retractem, verum aliquam a vobis gratiam ineam, quod leni specie abiecta id blanda extorqueam, quod nonnisi asperitate ac contentione olim eriocebam.

A genere ac dumo illis exordiri solemne est, qui in hoc orationum genere versantur. In eo enim maxime exultare videtur oratio, si cui illud genus fuerit, ea familia, cui cum multa homines tribuere solent, magna ut orationi copia, ita rei dignitas accedit. Verum si lignei illi forte fuerint, qui laudandi sunt, cum proderit, quod in aurea familia sicut nati? aut color erit orationi, si eius, de quo scribitur, virtute non splendet? Licet igitur mihi haec omittere; non quod illi omnino defuerint, sed quod ea aetate loquimur, qua haec minui faciant homines, quibus una sancta virtus, ac id in laude ponendam putant, quod quis bene ac praeclare gesserit, non quod illi a parentibus traditum fuerit.

Adolescens igitur vobis exhibeo, qualem Neapolis excepit e parva insula Prochyte, veluti aviculam avolantem, quo ex angusto loco ampliorem campum nactus, eo, quo natura ducebatur, citato cursu contenderet. Neque enim aut Pindaro solum, aut Virgilio ac Tullio ex angusto ac ignobili pago artum docere contigit; verum id quotidie renovari videmus, ut nescio quo fato summa ingenia infima in statione procreentur, quemadmodum in plantis ac floribus

evanire videmus, et robustiores ac vividiores anpe incolti
agri ac sylvae, quam cultissimum viridarium ferant. Haec
tamen invat ad ampliores urbes transferri, ubi si natura
nonnumquam deficit, ea tamen, per quae illa et reparetur
et exoruetur, suppetunt abunde; ut qui rudi illa firmitu-
dine tantum in domo sua valuissent, addita principe in urbe
cultura longe lateque fulgeant.

Felix Angelus Antonius, cui Neapolim adveniēti ea
virorum omni optimarum artium genere excellentium copia
oblata est, ut cum nihil esset quod ipse edicere non cu-
peret, tum omnia paratissima atque expeditissima nancisce-
retur! Nihil enim ex pristina sua dignitate decesserat; ac
splendor ille integer adhuc effulgebat, quem ipsi summorum
virorum studia pepererant, quos gravissima illa patrum
disciplina ad omnes artes ac studia formaverat. Nondum
enim illa, quam certi homines progressum, ego lasciviam
appello, animos occupaverat, qua fieri videmus, ut cum
vetera spernuntur, quo nova inveniantur, et illa amittantur
omnino, et haec depereant: verum illud fixum in omnium
animis erat, ingenia, quae nulla alia vi sustinentur, facile
ad vulgaria atque adeo abiecta dilabi, nisi nobilitati a ma-
ioribus traditae haerent. Ergo graviora litterarum studia a
clarissimis viris Mazochio, Maiellio, Aula, Martarello,
et si quid meis etiam tribuere licet, Giannettasio, Ludo-
vico, aliisque non paucis accepta, erecta iuventutis et caute
custodierat, et aliis custodienda commendabat. Itaque re-
fertissima erat Neapolis viris doctissimis, qui cum diversi
diversa profiterentur, singuli tamen in sua facultate excel-
lebant, ut nulla esset ars, nullum studium, in quo aliquem
indicare non posset, cui vix parem vel celeberrimae Eu-
ropae urbes ostenderent.

Quem enim vestrum latent praeclarissima illa nomina Bar-
tholomaeus Mallitā, Caietanus Ancora, Dominicus Scottus,

Ioannes de Anna, omnes sive sacrarum sive humanarum litterarum gloria celebratissimi; nec non Nicolaus Valletta, Dominicus Cotunnus, Paganius, Filangerius, alique quamplurimi, quos supervacaneum est nominare? Ac nos quidem cum ex tanta illa luce emissos radios aliquos colligimus, beatos illos dicere solemus, quibus contigit coram illam videre, si tanta nos voluptate vel procul spectantes perfundimur. Qualem autem Angelum nostrum fuisse credimus, cui cum sua fortuna illam ubieisset, tantus animus fuit, ut non videre modo atque afflari, sed omnino foveri atque incendi vellet?

Iam enim constitutum edolescenti erat, ut sacris initiaretur, atque haec, qua Domini praelia praeliamur, militiam exerceret. Illud erat juveni ingenium, quod moneris magnitudinem complecti posset; illa animus, qui nullum laborem refugeret, qui et sustinere, et recte exercere posset. Intellexit hoc valoti bellum, cum unum sit atque ubique idem, non eandem tamen ratione omni loco gerendum; atque aliis armis illi utendum, cui in pago ac parva urbe cum hostibus quamvis durissimis, rudibus tamen atque imperitis pugnandum; alia tractanda in principe urbe, ubi hostes sint instructissimi ac paratissimi; quibuscum raro laterum vi, saepe ingenii acumine, ac omnis doctrinae copia configendum. Cum igitur omnes amplissimae civitatis partes complexus animo esset, ac quid quaeque laboraret, qua cuique arte succurrendum esset, rimatus fuisset, statuit nihil intentatum in studiis relinquere, quo quidem olim ad omnium hominum culturam uti contingeret, qua non instrueretur. Quamvis igitur ludos litterarios Seminarium, dioecesanum quod aint, frequentaret, ac deinde in archiepiscopali gymnasio ad sublimiores disciplinas formaretur, ipso sibi quamplures privatos magistrorum quaesivit, a quibus id in quo quisque maxime excellbat, acciperet; ut revera api illum comparares, quae

viridarium ingressa, ubi magna sit herbarum ac florum copia, hac illas volando discurrat, ut singulos libet, atque ex omnibus thyma, ac gratissimum illum saccum exprimat. An vide solertissimi adolescentis industriam: cum multa hac sua assiduitate ac labore compararet, ea invidiose non retinebat; sed studia quaerebat, quibuscum communicaret; ut quendam privatum ludum aperiret, ubi omnibus qui vellent, eorum quae labore quaesierat, benigne copiam faceret: qui simul et quae discobat exercitatione confirmabat, et charitati, qua nulli hominem generi utilis olim futurus non esset, praelegebat.

Sed strenuissimo militi in arenam, iamposito tirocinio, descendenti, eae statim difficultates obiectae sunt, ut impetum omnem retardavissent, atque alacritatem penitus extinxissent; nisi singularis sua virtus, ac communis nostra fortuna illum expedisset. Tempora enim inciderunt, quae deterioribus ruinae, bonis summae gloriae causa fuerunt. Magnam ego illam rerum conversionem specio, quae nostra hac in regione, ut in tota pene Europa facta est, cum erumpentibus e suis finibus armatis Gallis, ac omnia loca vel vi subigentibus, vel vastatione evertentibus, vel superbo dominatu prementibus, omnia misceri ac collabi visa sunt. Quale tum animorum dissidium fuerit, quae omnium ordinum iactata, qui errores, quae tenebrae malis vos ex aliorum monumentis edicere, quam in oratione hac mea videre. Illud dico tantum, magnam tum bonis concertationem obiectam, quae partes sequeretur, cui se ex potentissimis regibus de dominatione contententibus darent; fortunam ne eieci Ferdinandi sequeretur, an victorum Gallorum fata cederent. Totum procerum vulgus in contraria studia scissum est, cum hi obfirmato animo regem ad Siciliam contententem sequesti sint; hi vero dum substituerint, melius rati patriam, an fortunas turpi viciorum amicitia retinere, quam incerto

fato cum tanta bonorum iactura, ac vitae periculo se committere. Itaque ancipiti omnes elemitate premebantur; ut aut rerum, aut honoris iacturam facerent; neque uno se expedire possent, quin in aliud incidereut. Nonnullis tamen utrumque sartam tectamque facere facile fuit; illique fuerunt, qui cum uni se Christo ac religioni dedant, in qua omnia sua posita esse existimant, nihil se amittere arbitrantur, cum eam retineant. His Neapoli tam subsistentibus ea denique gloria merito contigit, quam Horatius Græcorum a Romanis subactorum faime cecinit, ut capti socs victores caperent; insecto enim ferocissimis bellatoribus litterarum, quibus unice pollebant, studio, eos sibi subiecerunt; ut brevi discipulos ubsequentissimos haberent, quos modo armis imminuentes pertimuerant. Excitentur nunc, excitentur ex inferis summi illi viri Roscius, Andresius, Calà, Rossius, aliique quamplurimi, qui hoc consilium sequuti sunt, ut cum uocatis Christum ac religionem prae se ferrent, communi tantum paci ac animorum saluti studere se profiterentur; ac dicant, quantae ipsa vel voluptati vel gloriae ille dies fuit, cum mutata rerum fortuna redoci Ferdinando integra, ac incolonia haec restituerunt, quibus et si quid labis publica accipisset, repararetur, et reliqua, quae adhuc desiderari videbantur, ingenio suo nepotes adiuicerent. Hi igitur cum religioni addictissimi erant, tam omnium studiorum laude florentissimi. Gallis autem, ut omnis reliqua abinducantur, ea tamen laus tribuenda est, eos ut erecto animo erant, ac recenti armorum fortuna elati, ita bonis artibus, atque iis, qui colebant, honores habuisse. Ergo non ut immanes illi e Getarum genere, aut Longobardorum sanguine praedones rapinae aut auro unice intenti, reliqua quas essent in artibus ac humanitate everterunt, eruditionem ac bonas disciplinas hi nostri victores spreverunt: sed eam sibi laudem maxime esse voluerunt, ut sua victoria ac fortuna suble-

vata studia atque artes protectae dicerentur. Illic factum est, ut ad suam amicitiam aditum amplissimum iis patefactum vellent, quos scirent litteris ac humanitale maximo florere. Ergo et Andresio, et Rosinio, aliisque quos nominavi, non modo copia suae gratiae facta, sed omnino totius rei litterariae arbitrium commissum. Ita contigit, ut religioni, ac sacris non libertas modum, sed honor etiam esset, si tam facile illis, qui iis addicti erant, victores se committerent.

His interea iam se probaverat Angelus Antonius: studia alia hoc, alia illud tempus requirit; tum loca etiam variata, ac personae distincta. Neapoli cum multi sint loci hominibus propositi, quos capiant, quibus res publica sit capessenda, hinc ad varia studia se vertunt, quo quemque vel ingenium ferat, vel tempora vocent, vel voluntas impellat. Plerumque vero iis, quibus non sit forum attingendum, aut aliqua alia ars proficunda, ea frequentata studia, in quibus plus patientiae sit ac morae; quaeque aetas, atque animorum agitatione non indigent. His pacata illa, ac dignitate plena studia maxime proposita, quae eruditione continentur. Ergo hic est plerumque primus aditus iis, qui procul a foro, aut civili aliqua procuratore aliquod sibi nomen ac honorem petant, ut antiquitatem aliquam explicent: quod cum fieri non possit sine molarum rerum cognitione, non mediocri ingenii indicium est, ac studii argumentum, si quis possit aliquid ex antiquitatis rudibus effossum illustrare. Huic studio maxime se dederat Antonius; in quo praeter reliqua memoria iuvabatur, quae illi non tenax minus, quam vasta contigerat. Hic illi aditus ad summos honores primus fuit. Edita enim interpretatione cuiusdam e remotissima antiquitate vasa, se non fuenta ac levi, sed solida ac robusta eruditione instructum ostenderat: quare facile fuit, ut et gratiae illius pars illi cederet, atque aditus solertissimo iuveni, ac omni doctri-

narum laude iam florentissimo ut ad litterarios labores, ita et ad litteratorum honores facilis pateret.

Neo facile dixerim, cui magis arriserit fortuna, Neapoli ne, quae tantum ingenium nata est, an Antonio, cui celeberrima totius Europae urbs contigerit. Ingeniis abundans ubique natura: neque enim existimandum benignam illam erga hanc regionem optimos fingere homines, aversam autem alio in loco hebetes ac rudes; sed si hic omnia litterarum loco fulgere vides, illic autem tenebris ac barbarie oppleri ac squallere, id non naturae vitio, sed hominum studio fieri in comperto est. Primum enim laxanda ingenii spatia, ubi se exercent, postquam litteris atque eruditione instructa siet. Pauca enim admodum ex puerili disciplina colligere licet, quae postea oisi usu atque exercitatione confluunt, statim elabi ac omnino effluere necesse est. Homini autem natura desidi ac remisso nisi spem aliquam quasi faciem ostenderis, ac curriculum, quon incedat, patefeceris, nulla est tanta nec naturae vis, nec animi ardor, nec vehemens studium, quod hos labores persuadent; in quibus, si qua inest voluptas ac laus, magno certe incommodo non carent, quod aut fastidio aegrescit animus, aut atteruntur mora ac contritione vires. Neapoli id praefatis reliquis urbibus contigit, ut cum omni litterarum copia ac eruditionis genere abundet, qua succrescentia ingenia instruant, tam quamplurima, et quae amplissima curricula aperiat, quae illi occupent, quibus id a natura datum est, ut quae exquisita sunt in omni disciplina, animo complectantur. Hinc illa incredibilis omnis eruditionis ac doctrinarum copia, qua acceptum a maioribus decus tamen atque augmentum. Tormentum enim illud est, quod ingenis admovetur; cum stare ac quiescere illi non liceat, qui quotidie de his commentari cogitur, quae aliis explicanda sunt. Ergo citro assurgit animus, ac ad penitiora semper atque in-

reperita illo coactu an vi progreditur. Regium archigygnasium in primis commemorandum, quod a saeculo decimo-quarto primum institutum, sed temporum iniuria aboletum ac pene emortuum Ferdinandus huius nostri felicissimi avus non instauravit modo, sed additis quamplurimis optimarum artium studiis, omnino auxit atque amplificavit. Tam celeberrima illa academia commemoranda, quae cum una sit in tres veluti familias dispersita est, quarum altera naturam explicaret, altera artes ac litteras expoliret, tertia denique eruta ex herculaneo busto, aut ex Pompeiorum ruinis monumenta interpretaretur. Accodat regiam museum, ac bibliotheca totius Europae celeberrima, ubi praeter caetera eruditum virorum sibi curas vindicat difficilia illud sane opus, quo effusae ex herculaneis ruinis papyri evolvantur, an integritati redduntur. Addat nunc qui vult collegia instituta, academiæ, lodos; mihi satis sit dicere, nihil reliqui a nostris Principibus factum, quo suorum ingenia informari, atque exerceri possent. Haec omnia occupavit noster Angelus, ut nullus locus reliquus fuerit, qui quidem sit eruditissimo homine dignus, quem ille non attigerit. Cum enim usus esset, multorum eruditione pollebat, ut uno ingenio, una mente posset multa simul complecti. Ergo locus ipsi in regio archigygnasio datus est, ubi veterum codicum interpretandorum artem profisteretur, tam socium sibi herculaneis academici acceperant, et difficillimo illi ambustarum papyrorum evolvendarum operi addictus est; regiae denique bibliothecae cura concedita, atque academiæ uiperrimae institutæ sacris rebus agendis adscriptus. Quanta saltem cum publica utilitate hæc obtinuerit, testes appello elocubrationes cum multitudinis innumeras, tum varietate ac doctrina omnibus vel eruditissimis probatissimas, quas recensere, nisi me maiora vocarent, quibus cum hæc, quae dixi, comparantur, nulla omnino esse deprehenduntur.

Nam hi primi aditus honorum egregio viro fuerunt. Maiores iamdiu ei destinabantur. Compositis enim rebus, ac Borboniis Neapoli restitutis doctor quarebatur, cui informandi regii pueri committerentur. Salus eois, ac fortuna totius regni agebatur, quod ille in primis instituendus, qui primo a Francisco Ferdinandi filio ex egregia orore Elisabetha susceptus, pro eo olim res sane amplissimas moderaturus erat. Grades is ille erat, cui cum vix aliquis par inveniatur, innumeri sunt, qui iuhant. Quis enim nescit, quantas virtutes in illo esse necesse sit, cui tanta res committatur? Doctrina enim insigni primum opus est, quo non vulgaris edoceatur, qui sorte omnium princeps factus est. Deinde prudentia non mediocri, qua ita principum animos pertractet, ut eam demum magistro aures dedant, demissione ac labore non aspernentur; sed in primis innocentia atque abstinence pene divina praestanda, quo honore illo ac dignitate non insolecat, tum conscientiam ac gravitatem inter aulae illecebras, atque omnium cupiditatum irritamenta retineat. Verum ea vita Angelus Antonius florebat, ut difficultas electio non foret. Vigebat aetate, sed virtute omnes facile superabat. Iuorat viro facilitas ac morum elegantia singularis, sed virtus omnia temperabat. Aversum ac rusticum dicere non auderet, cum timidum ac omnia circumspectum cerneret, ne aliqua ex parte animi candor, cui maxime studebat, labem aliquam sciperet; sed neque solum ac liberum, cum amicis, aut proceribus se daret, quod eius consuetudine frui, aut aliquid auae gratiae illi impertiri vellent. Ingenio pollebat celerrimo, ut et carmina etiam ex tempore fundere nonnumquam auditis sit; sed effusus impetus spiritus severitate temperabat, atque ita cōtinebat, ut neminem eo contentiorem diceret. Hunc igitur doctorem regii pueri nati sunt, cuius magisterio quantum profecerint dicere, nisi ipse sibi aeternum monumentum, hunc quem nostra nobis

fortuna regem dedit, statuisset. Neque enim tu mihi irascaris, si id dico, Princeps augustissime, cum sciam te non piguisse sapius fateri, ac palam praedicare, te quantus es, quotum sapias, totum Angelo Antonio debere. Sed nos omnes te magnum esse ut gradu, ita animo novimus; sapere vero quantum vix matura aetate princeps, atque a pueris in iuvenili corpore animom senilem gessisse, ut si sint reges, qui te dominationum amplitudine superant, nemo certe sit, qui tecum sapientia ac virtute comparetur. Verum ego tuam hic fortunam, an nostram miror? felix tu, cui ad magna onto, tantus doctor coadjuverit, qui fortunae parem te fingere potuerit; sed fortunae huius magna sane pars nobis concedit, cum quicquid tu valeas ac sis, nostrum sit totum. Verum ne diutius hic de te agam, tu profecto vetas, cui gratissimum est de eius vita scribi, cuius tibi mors lectiosissima fuit, ac de quo nulla die homines coctescant vela.

Primus is semper gradus ad summus dignitates habito est, ut facile omnes ille adeoque possit, cui tam prout illorum gratia sit, per quos eas consequi oporteat. Quare quid est sive in communi hac nostra vita, sive in publicis muneribus dignitatis ac honoris, quod frustra Antonius speraret? Verum illi cum omnia parata essent, animus tantum defuit. Itaque sponte se offerenti fortunae restitit; tum curriculum amplissimum, sed potius aream sibi quiesivit, qua cum omni honore careret, multorum honorum ac officiorum labores susciperet. Primum enim e suis muneribus hoc regium magisterium esse voluit, sed non solum; egregium alumnorum Principem, sed non unicum. Tanta enim ac tam varia simul complexus est, ut qui de hoc sive honore sive officio nihil audiret, longissime eum ab aula abesse existimaret. Sed ne nimis longa oratione vos teneam, summa quaedam referam, ac quae iam antequam a me audistis, facit

secum quisque repetit. Cum enim doctorem, atque academicum ageret, Sacerdotem se esse sapientissimus vir meminerat. Quamobrem eo totas vires intendebat, ut cum Regem Religionis olim totum tutorem educaret, regnum ipsi quodammodo praepareret, quo non corruptum ad officia vi atque armis revocaret, sed bene compositum perficeret atque exornaret. Neque enim, si nullo in Ecclesia honorem Angelus tum obtinuit, ac privatis tantum studiis res sacras iovit, existimandum leviter tantum illas attingisse atque auxisse.

Strepitu ac turba subiguntur regna; atque orbibus, qui inani hac et brevi dominatione delectantur, impetu ac tumultu imperant. Alia est Religionis ratio. Leni motu ac patientia hic omnia perficiuntur. Quare fermento, ac luci suorum labores ac studia divinus magister comparabat. Haec alte animo inscripta sapientissimus vir retinebat: quare eo operam suam totam contulit, ut quid maxime Religio laboraret, tacite consideraret, quae excusae partes, quibus succurrendum esset, quaeque esset aptior sustinendi ratio, rimaretur. Praelucebant viro sapientissimorum sententiae, ac ipsius Romani Pontificis iudicia, quibus illud omnino definitum, totam piorum studiorum curam inventuti informandae esse admoveendam: aut hoc esse reparandae Religionis ac morum instaurandorum remedium, aut sacra iam desperata esse, ac publicam tranquillitatem conclamantem: tum impense etiam futuros Sacerdotes instruendos, per quos et reliqui a pueris flectantur, et qui forte exciderint, quos nulla cultura mollitos illecebrae et licentia a Religione ac pietate abduxerint, ad frugem revocentur. Hoc igitur suas vires vir sapientissimus intendit. Ea quidem multorum sententia est ac sollicitudo; sed quotos quisque est cui prospere labor cedat? neque enim si tenuis ea cultura est, tenuis etiam labor ac vulgaris cura. Non enim agitur de pastorem aut artificum natis, quos oblata cruce, ac infero-

rum poenis commemoratis absterrens. Verum illi flectendi, quos cum opes ac divitiis muniant, tum multa obiecta, quae olim consequantur. In hos nisi impetu quodam irrumpas, nisi aversos florentia animos allicias, nisi fortuna elatos aut spe aliqua erectos auctoritate, gratia, omni denique studio vincas, tibi non adiones. Quare frustra omnino huius operi manum admovent, qui non possint multa eruditione, omni humanitate, prudentia, auctoritate, facilitate deque ac studio ipsis se commendare. Verum haec cui plenius atque abundantius contigerant? De eruditione iam aliqua delibavi. Accesserat modo ex regio magisterio auctoritas: reliqua vel natura vel pietas suppeditabat. Quid mirum si et ipse rem alacriter aggressus est, et tantos fructus labores pepererunt? Neapoli enim multa insignia, tum illud certe singulare, quod magna studiosorum adolescentium multitudinem celebraret. Ita enim caput amplissimi huius regni constituta est, ut omni prima, sed unica omnino urbs videatur. Eorum enim, quae in magnis urbibus esse solent, nihil reliquae per provincias constitutae civitates sibi vindicant: sed una in urbe principe celebrantur. In rebus autem, quae hominibus usui sunt, studia certe ac litterae primam locum obtinent. Haec ut Neapolim conflunt, concurrentibus eo litteratissimis undique viris, ita illinc omaino petenda. Derivationes quasdam in provinciis esse nostri principes voluerunt; sed ut fontem hunc esse omnes sibi persuadent, ita aemo sibi studia recte haurisse videtur, nisi huius ora admovent. Ergo immensam adolescentium multitudinem ex diversis provinciis a Pelagorum finibus ad ultimam Pechynum Neapolim convolare vides. Verum ea est sive loci, sive temporis conditio, ut facilius pestem, qua inficiantur, quam doctrinam, qua erudiantur, adolescentes trahant. Cum enim ad illecebras illa aetas prona sit, tum haec urbs maxime illecebrosa ad omnem libidinem excitandam ac fo-

vendam facta videtur. Quare scololum inventutis hanc merito dices. Reliquos, qui hinc ortum ducunt, sui quoque parentes caste custodiunt, eos qui hospites in ea versantur, quos nulla certa domus capit, nulla ratio cōcreet, omnis libido facile occupat ac corrumpit: quam deinde, cum ad suos redeant, ad communem perniciem exportant. Sapientissimis quidem legibus huic incommodo a nostris principibus provisum; verum his modus licentiae factus, licentia sablata non est. Quare alia addenda cura, qua animi retineantur. Hanc auster suscepit. Duo primam collegia commemoranda; eorum, qui medendi artem doceant, ac qui in musicis modis exercentur. His se sponte magistrum dedit, quos ad omnem pietatem componeret. Reliquos deinde, qui ut hospites in hac urbe sunt, curandos suscepit. Vidimus nos ipsi, neque teste quo confirmetur indigemus, domum dies noctesque studiis adolescentibus obsecram; eum numero saepe stipatum; ac quos ubique obvios haberet omni cura ac sollicitudine complecti. Non enim ex his tridibus ac aeveris ille erat qui ab adolescentibus, tamquam a peste aliqua cavent, aut avaro vultu, ne inficiantur, qualis triste illud ab inferis exitum monstrum lano, cum audierint contracto supercilio dimittant. Facilem se illis dabat: quae peterent si praesto essent largiebatur, sin minus suppetere, ab ipsis, qui dare possent, demisse petebat. Aliquid illi vel litterarum vel gratiae querebant, id ipse facile concedebat; sed quae ipse vellet, blanda extorquebat: ut a vitis abstinere, bonos mores colere, Religionem reverere: neque id longa oratione, sed verbo; non hortatione, sed nota; non reprehendendo sed monendo; ideo etiam nonnumquam ac saepe dicto, ut vera imaginem quamdam sanctissimi viri Philippī Nerī, qualem olim Roma mirata est, intueri omnes videretur.

Verum cum haec studiosa inventuti tribueret, reliqua

non omittebat. Sed quid hic prius commemorem, quid posterius? assiduum ne in poenitentium confessionibus audiendâ operam, an Divini Verbi explicandi curam? studium, quo pius aliquot sodalitates colebat, an diligentiam, qua iostigues maleficiis homines venator accerrimus et scrutabatur et capiebat? Verum ut haec omnia magna in illo fuerint, illa profecto omnibus mirabilis cura, qua ex infimo genere homines, cadente sole, congregatos ad omnia pietatis officia ad multam noctem exercebat. Quem non movebat videre tantum virum, quem mane regii pueri de rebus gravissimis disputantem, interdum qui essent eruditissimi litterarum aliquid, et quae sunt ex remotissima antiquitate abstrusissima illustrantem audierant, hunc ipsum hominem a trivio ac columna colluviem stipare, eumque ad abiectissimum sermonem descendere, quo miseri illi atque egentissimi quae de officio ac divinis rebus explicaret, et mente complecti, et animo inaribere et omnino amare possent? Nunc licet reliqua persequi: quamvis omnia commemorare, ac brevi oratione comprehendere, et iniuriosum illi, et vobis fortasse molestum esset; quod omnium testes esse possitis. Sed illud facere non possum quin commemorem, quod in homines sacris addictos conferret. Difficilis ut ubique haec disciplina est, tam Neapoli difficillima. Illic enim Sacerdotes et numero plures, et vita continentiores desiderantur, ubi et frequentior multitudo, et vitiorum irritamenta abundantiora. Verum Sacerdotes ipsi homines sunt, in eadem urbe nati, eodem caelo ac communibus moribus utuntur: ergo nisi severioribus institutis constringentur, sal esse non possunt, quo reliqui condiantur; sed communicata cum aliis licentia, auctoritate ac nomine vitia atque audaciam confirmant. Hinc varia hic inita consilia, quo qui hoc ex ordine sunt, ut vestibus ac corporis cultu, ita animo ac moribus a reliquis segregentur; ac collectos ex divino afflatu ignes et retineant caute, et ad

multitudinem componendam effundant. Verum in primis illa sodalitas commemoranda, quae sanctissimi viri Nicolai Pavone studio et instituta est, et magna diligentia excolta. Ilanc prudentissimi rerum sacrarum rectores ledum quendam esse voluerunt, ex quo conferti veluti milites ad omnem militiam exercitissimi prodirent. Huius colendae cara Antonio commissa. Licet mihi quidem dicere annos duodeviginti hoc munus in illustrissima illa sodalitate, quam sine Societatis meae laude commemorare non possum, illum exercuisse: verum quanta id cum dignitate factum, quanta cum omnium voluntate ac fructu, si testes esse possunt, quos saepe dicere adivi, se frequentissimos convenire, ne tanta voce, tanta sapientia carerent.

Sed iam locus me monet, ut de hac mea sapientia atque eruditione fusius dicam. Adhuc enim mihi expectare videmini, ut quoniam quibus rebus suum in hominibus ac sacris invandis studium probaverit, commemoravi, eo laudem veniam, quod viri eruditi spectant, cum de homine sermo est, qui doctriinae laude floruerit, ut quae suae sapientiae monumenta reliquerit exponam. Mihi quidem, si ab aliquo ex hisce otiosis litteratis id petitur, nihil pene commemorandum sperest, praeter ea, quae iam de papyrorum interpretatione dici; aut si quid est aliud, quo ille in academia uti solebat, id ut in minimis ille ponebat, ita indignum ludico, de quo mentio fiat: si vero sint, qui in ea sunt sententia, non oportere quaeri quantum quisque scripserit, sed quantum scriptis commonem vitam inveniit, tunc nova quaedam accessio orationi meae fiet. Tria enim scriptorum genera mihi proponere soleo; eorum qui levitate scribunt, quibus quod nova invenire nequeunt, quae scripta sunt scrutari mos est, atque alia forma, aut alio nomine proferre. Alii sunt, qui nova quidem excogitant ac reperiunt; sed quibus nomen honor aliquis, aut res etiam comparetur, quoniam ea sunt, quibus homines carere possunt, aut ad

perniciem etiam nantur. Alii vero sunt sapientissimi, qui non nisi communi utilitate excitati ad scribendum se dedunt: quare cum animo commoem vitam complexi sint, si quid sit, quod laboret, in quo vox sapiens aliquid opis afferre possit, hoc arripiunt avide, in hoc versantur, hoc quantum opus est et evolvunt et illustant. Quare primum illud genus leve, alteram ambitionem, tertium sapiens dicere soleo. Ad hoc noster pertinet. Quis enim illo aut res novas acutius invenire, aut plenius explicare potuisset, qui ingenio tam acri erat, ut tanta facilitate in res vel remotissimae antiquitatis obscurissimas irrumperet ac versaretur? Si igitur hoc Antonius incubuisset, ut nomen suum scriptis propagaret, quanta nunc ab eo edita volumina nos nominaremus? Verum cum illa ipsa sua sapientia, tum doctrina etiam vastissima illi obstitit. Mediocriorem ego semper atque angustiorum animorum esse existimari in litteris audere; student enim aliquid edere, quod aut quala mones id sit non intelligunt, aut quanta iam ab aliis edita et illustrata sint, ignorant. Alia est ratio sapientissimorum. Illis ut publica semper utilitas proposita, ita illud sanctum, ne actum agant. Qui vero leves aut stulti non sunt, id denique ingenii specimen esse existimant, si quis novam opus, quale res ac tempora requirunt, a quo nova utilitas exoritur, proferat. Hanc ut rem attingere omnes faterentur, ita et dignum, qui omne punctum ferat, existimant. Duo hominum genera Religionis, ac publicae proinde quieti adversatos fuisse superioribus annis novimus, Medicos, et Iurisconsultos, quod illi Christi Domini institutis corrompi vitam, hi regendorum hominum artem everti dicebant. Illi unura, hi prudentia pugnabant; illi cum ostenderent tentameuta, quae in rebus fierent, is, quae christiana disciplina praescriberet, adversari, haec vulgare commentum esse arguebant; hi vero bellum acerrimum Sacerdotio indictum voluerunt, quod cum omne sibi ius ac potestatem arrogarent,

publica iura, ac hominum felicitatem presumarent. Reliqua vos nostis. Hos igitur adversarios sibi Antonius designavit, quibuscum congrederetur. In hos stylo irrupit, quem, ut gravius feriret, acutum potius, quam latum esse voluit. Neque enim, quemadmodum plerique fecerunt, repetitis a gravioribus quaestionibus principiis, magna verborum copia ac pompa ea fuso explicavit, per quam falsa illa, quae obiciebantur, probarentur; sed ad animos orationem admovit; cominus congressus est. Omnia, quae contra sanctissima Ecclesiae iustitia afferebantur, accuratissime collegit: carptim explicanda proposuit: leni sermone, sed ipso acutissimo nitentes contra animos aggreditur: gradum confert: rem cum re, verba cum verbis componit; ac quam sapienter singula quaeque Religio ac Christiana pietas insitulerit, ostendit. Ergo audacissimae illae voces, quibus iamdiu obstrepebamus, conticescunt, aut modestius certe agunt; quod contra semper nostri sententia sunt ul' gravissimae, ita suo studio vulgares factae, ac cuique familiares. Obiciant nunc, qui velint, ingentia aliorum volumina: pro me nos Neapolitani modo atque Itali, sed ipsi exteri respondent, quibus publica tranquillitas, ac Religio cara, quos acimus, has nomines opellas, re fulmina et studioso conquisisse, et saepius edidisse, et ut sua lingua sui legerent, affecisse. Ago nunc homini tantis laboribus occupato, tantis curis distracto quomodo tempus suppetebat, quo aut haec mente conciperet, aut ea legendo colligeret, quibus illustrari ac orari possent? Nulla scilicet vel diei, vel noctis hora illi vacabat; nullum sui partem aliquod vel otium, vel alienum negotium sibi vindicabat; angusta ipsa in domo habitabat, una matre gravissima foemina socia, ac sorore amatissima contentus: aliorum ipse domos fere nunquam adibat. Non familiares certi erant, ac descripti amici, quorum sermonibus ac consuetudine dies plerumque integri eripiuntur: alia

eum quaeritantibus, nisi egeni essent, aut adolescentes sua vel ope vel sapientia furendi, haud facile se praebebat. Cibi somnique parcissimus brevis tempus reficiendis viribus dabat; deambulationi, ludo, otio nullum. Itaque quae subiectione aliis horae sunt, longum ipsi tempus erant. Hoc libri ipsi familiarissimi sibi vindicabant. Quid mirum si nihil unquam aut dicendo, aut scribendo ediderit, quod reliqui non laudarent?

Verum mihi aliorum testimonio opus non est; ipsius Summi Pontificis iudicium extat luculentissimum, cui scin doctissimos qui sunt e Cardinalium collegio subscripsisse: tanto enim in eum studio Gregorius, qui nunc Rector Ecclesiae utitur, exarsisse accepimus, ut eum Romam accerit, quo et coram videre, et frui aliquando posset. Adenotem autem non recepit modo benignissime, sed omnino complexus est. Et hic quidem eum retinere voluisset, ut tanto viro Roma, ac Romana Curia periculosissimis temporibus atteretur; sed obstitit in primis civitatis huius desiderium, quae ut aegre tulerat eum abesse, ita ut quamprimum rediret sollicitabat; tum regis, reginaeque familiae ad ipsum Pontificem vota, ne sui lumine tantis undique ingruentibus tenebris haec loca privaret: sed in primis viri modestia singulari, cui tam grata demissio, ut vitam nullam sibi ducere videretur, si stationem desereret. Fingebat sibi studiosos adolescentes eius desiderium confici: tum ante oculos carissimi in nocturno illo ludo e plebecula discipuli versabantur, a quibus ille ne supremis quidem auctus honoribus divelleretur. Ergo eum Gregorius aliquo honore ornatum, quem non virtutis praemium, sed suae benevolentiae testem esse volebat, dimisit, sed viri memoriam retinuit. Qua cum dies noctesque sollicitaretur, occasionem quaerere non destitit, ut iterum videret, ac coram alloqui posset. Postifer interea liber ab impio Gallo scriptus Romam allatus est. Hic ut

pro sua facultate responderet, Antonium nostrum Gregorius datis Roma litteris excitavit. Opus iam ab eo perfectum noluit typis vulgari, antequam Romae audiretur. Ut primum percreboit eum ad urbem accedere, incredibile dictu est, qui fuerit motus, qui concursus, quae hominum vel frequentia, vel dignitas, quo Scythum sapientissima illa sua facilitate in eccliesium Typhoeum fœmina eiactantem audirent. Quod vero cum omnium, tum in primis Pontificis iudicium fuerit, re statim patefactum est, quod hic Roma exire eam passus non est, nisi Thessalonicenae Tiara oratum.

O memoria ipsi fortasse gloriosa, nobis certe funestissima! Dicam confidenter, auditores, hunc quem primum ad summos Ecclesiae honores aditem Antonio esse homines divinabant, carissimae eius vitae terminum fuisse. Onus illud novum impositum quod sustineret, non honor, quo frueretur, sapientissimo viro vius est: et qui ne notum quidem, ac oculorum coniectum otiosum in se esse patiebatur, ad ea maiora officia se vocatum existimavit, quo maius nomen, ne gravior dignitas accessisset. Quantum munus illud esset, optime vir intelligentissimus norat; quare potestatem homini a Deo traditam, quo in hominum bonum utatur, bebere ac deperire aegre admodum ferebat; quod nummo Archiepiscopale illud munus definiretur, oves aut decerneret, aut abessent certe quas duceret, Thessalonicam proficisci voluisset. Id prohibebatur. Ergo qua posset ratione ex illo genere homines iuvare cogitavit. Iampridem ipsi a summo Pontifice Ecclesiarum, quae ex veteri illa frequentia ad hoc reliquae sunt in nostro hoc regno, cura demandata fuerat, easque Pontifici Legati nomine ipse curabat. Sollicitudo haec gravis illi fueret. Cum enim diversae dimitis in regionibus essent, his providere nisi magna assiduitate ac labore non poterat. Sed sua cura nulli desiderata est. Atque illud in primis commemorandum, quod Schismaticis curatoribus Ec-

clesiam, quae Baruli erat, eripuit, eamque Catholicis qui viceleti a perfidia illis praedonibus erant, restituendam curavit: tum illud etiam insigne, quod eos, qui Neapoli sacra suis ministrant, ritus mutare cogerit, quod Graecos multorum dissidiorum causam esse constabat, ac ita, quibus Latini utuntur, conformari. Illis vero nuper addiderat, ut statim diebus ad Graecos ad sacra convenientes verba faceret, quibus in sermonibus cum illa praesertim explicaret, in quibus ea gens a reliquis Catholicis dissidet, aut flecebat doctrina, aut audaces esse non sicebat. Verum et haec leviora: confirmandi in fide per Sacramentum fideles; quod hoc monas Episcoporum tantam esse sancta Patrum instituta voluerant, ut pars non exigua episcopaliom laborum est, ita Neapoli onus gravissimum. Incredibilis eoin Episcopis, qui hic sunt, injecta sollicitudo, ut nulla sive diurna sive nocturna hora non evocentur, quo aegris de vita periclitantibus unctione illa sanctissima opitulentur. Licet tamen aliis recusare; sed Antonium sua pietas prohibebat. Ergo ad reliquos labores haec etiam cura adiecta est. Vix quatuor aut quinque horas liberas ille habebat, quo corpora laboribus fessa curaret. Has haec nova cura aut omnino eripiebat, aut intercidebat. Quid mirum igitur, si vita iam aetate ingravescente debilitata, laboribus innumeris fracta atisceret, ac onere oppressa occumberet? Quae sit, quod genus, quae causa mortis Angeli Antonii fuerit? Tres paupercoli pestifero morbo laborantes hora importunissima perdifficili orbis situ illum accierunt: advolavit vir piissimus; adfuit; optatis sacris fovit, munivit: morbi tamen partem secum abstulit: illo brevi confectus est. Dubitatis, quin exitus totius vitae cursum aequavit; ne qui omnia sua tempora hominibus juvandis contulerat, eorum studio ac pietate et tempore excesserit?

Vale igitur, vale Angele Antoni: te quidem tantorum

laborum, ac virtutum praemia, aeterna illa oia, ac cumulatissima omni voluptate vita manent, nos aerumnae ac miseriae premunt. Te praesentem videre, tuo vultu frui, tua sapientia foveri, recreari, magnum nobis adinmentum erat, quo et vitae acerbitates oblivisceremur, et ad labores atque officia excitaremur. Nunc vero quid superest, quo reficiamur? Quando enim aliquem tibi parem Neapolis inveniet? Tibi quidem similes multi et videri et esse volunt: sed multi non sunt, quibus ingenium, quale tibi fuit, natura largita sit: admodum pauci, quibus pares animi virtutes ac pietas: nemo, in quo haec ita consociata sint, ut ex ingenio illustrior virtus, ex virtute utilis ingenium existat. Tuis tu si non amplam rem, nomen certe amplissimum reliquisti, quo frui possint; nobis vero non nisi luctum ac lacrymas sempiternas. Ius igitur nostrum, ut tua ope sublevemur, ne spernas: vita certe functis non adeo interdici ad terram hanc nostram aditus, ut aliquid e sua vi ad nos transmittere non queant. Memineris igitur, nos non e tuo modo, sed tuos omnino fuisse. Tibi divinorum favorum copia non deerit, si tu divinis hic rebus numquam defuisti. Primum igitur fac ne desperemus omnino; tum carissimae tibi inventi, qua licet ratione adsis, quo tuo quodam numine animos moveas ac flectas, dum nos obstrepimus auribus, voce, ac studio ingenia accendimus.

Vobis vero adolescentes quid postrema hac mea oratione commendem, nisi ut nunquam ab hoc simulacro, quod vobis posui ob oculos, averti patiamini? Levate quaeso hoc me labore, ut diutius vos per hortamenta, ac munitiones ad studia ac pietatem accendam. Equidem deficere mihi vires, ac vocem senseram, postquam ipsos viginti duos annos hos labores sustinueram. Nunc omnino quiescere statui. Si quid negligentiae, si quid socordiae, si quid levitatis etiam, ac lasciviae in vobis deprehendero a verbis, a monitionibus, a terrificis

illis, quibus uti consuevi, abstinere. Dignum intendam; ac ut in hanc imaginem quamvis verbis tantum expressam oculos intendatis, hortabor. Ipse pro oratione ac hortationis loco erit. Ipse divino illo suo conspectu, quod frustra ab oratione expectarem, efficiet. Cum sapientissimum virum videtis omni eruditionis genere refertissimum, ac eandem mira compositione spectabilem, quem nulla superbia extollat, nulla cupiditas pervertat, sed qui omni inani cura solutus totum se, quantus est, ac valet, aliorum commodo valere studet; tum quid ego capiam, quid respublica expectat, quid haec nostra ratio praescribit, intelligetis: et sic fiet ut non minus memoria, quam olim conspectu ille, qui iuventutis instituendae maxime studiosus fuit, eas vobis utilitates pariat, quae nullae omnino, nisi per vos afferantur, mox nobis deficientibus existunt.



ANGELI ANTONII SCOTTI

ORTUS ET INSTITVTIO



ODE

Udam iam pede libero
 Spernam praepes humum , et vulgas inuile ;
 Alas summaque sidera
 Tangam non humilis vi sapientiae ;
 Quamvis ditior haud domus
 Me nascentem atarum splendidioribus
 Ornarit titulis , rei
 Haeredem variae e sanguine principum :
 Dum blanda foveat gena
 Spectans sidereo e vertice , viribus
 Qui res usque recentibus
 Labentes reparat , perpetua vigens
 Vita conditor omnium ,
 Occultaque animos sollicitet face.
 Testi svatibus Angelus
 Divinis : Danaum callidus abditas
 Scrutari , latitantium
 Rerum quicquid habent dissita saecula ,
 Sen quae sidera e domo
 Arcano superum dividit artifex

Terris eloquio, gravi
 Audax ingenio condere colligit.
 Ergo munere diviti
 Phoebe, tergemina tempora lauren
 Cingunt Pierides, suis
 Admisso procerum consilio chorus.
 Manus Parthenope tuum
 Hoc est: tu tenui hospitem ab insula
 Altrix excipis, artibus
 Formatura bos. Vim tibi Nomina
 Meotes fingere munere
 Musarum, atque animos acribus urere
 Docuunt studiis: tuo
 Ut me cumque foves lumine, praesepi
 Penna tollor ad ardores
 Colles, atque homini non data litora
 Teotabo memor alitis,
 Quem function variis astra laboribus
 Aeternum loco nova tenent.
 Quod si fax eadem duxerit abdita
 Tentantes animos, patrum
 Meos grande iterum non piger aemulus.
 At tu praemia gloriae,
 Autoni, capies: me videt invidus
 Quisquis ponere Tolli
 Dicendi studeat iura nepotibus,
 Praeluxisse suis satis
 Dicet, dulce sequi quem foret, Angelum.

QVAE PIE AC FORTITER IN VITA GESSIT

ODE

Auro nitenti non opus iofala
 Fulgere, longa aut sordibus obuitum
 Squalere palla, nec reducta
 Aeda tegi, socioque certo
 Ritu moveri, si popularium
 Frangere mores, si placet impetum
 Insanientum, et regna Diis
 Sternere non facili ruina.
 Utrumque puro pectore colligit,
 Quos mittit ignes aethere ab arduo;
 Mortale qui fingit forendo
 Ingenium; docilisque caeli
 Docentis audet quis data spernere,
 Hic digna longo praelia carminae,
 Quo labe mortales avila
 Expediat, Saperisque iungat,
 Gessisse gaudet: scilicet ardans
 Virtutis arces non sine gaudio
 Tenere vidit, et favillis
 Sidereis, opibusque Divum

Nitere dudum Parthenope , gravi
 Coeno sepultos quos modum laxerat
 Mater , profundis et tenebris
 Colla erebo dare destinatos ,
 Ageute Scottio. Qualis ab edito
 Delapsa saxo per saxa , per specus ,
 Stringente ripa flexuosa ,
 Unda fluit , laticesque late
 Effundit ; arbor quo tumet ubere
 Vicina foeto , vis redit herbulis
 Siticolosis , atque adunco
 Cedit humus madefacta aratro :
 Talem per urbem currere devium
 Heroa vidit ; non tuba concitat
 Munstro paventes , sed benigna
 Cuncta fovet refectique lingu.
 Videtis ? an me ludit imagine
 Camoena inani ? quae macie horruit
 Coquente pectus igne pubes ,
 Flare novu renuata ridet.
 Scottus benigna aspergine recreat :
 Ceu fonte puro proximo ab hortulo
 Collectas , hospitaque sylvae
 Grex Anatum sua rostra tingit ,
 Hauritque floctus gutture , commodos
 Mulcere pectus , sic invenum emicans ,
 Utcumque prodiit ille circum ,
 Turba coit , sociumque vulgus
 Urget volentem , non sapientiae
 Lex consulenti , nec modus auxilii
 Descriptus ; et summos et imos
 Una regit cobibetque dextra.

Ohe catena , qui modo brachia
 Victus fremebas e stygia domo ,
 Fatale monstrum , nunc relictum
 Tempus iter remeare , et acri
 Novare pugnas ; Persephone favet
 Ministra , contra non tibi spicola
 Nitendum , adempto fraudulenti
 Consiliis via facta Scotto.



IN OBITU



ELEGIA

Ite procul calami ; frangantur plectra ; libellos
 Tollite ; toque chelis cura molesta vale.
 Quid mihi com Latio, quid Findi culmina conor
 Scandere, quid vates Pieridesque iuvant ?
 Tu quoque Sthoa vale ; vos alti tecta Lycæi,
 Arsque Stagiritæ, socraticique modi.
 Fallit infelix, et veri oracula lædit,
 Ille qui mortales posse beare putat.
 En gelidus cinis est, et inanis pulvis in urna.
 Insigni Scottos nobilis arte iacet :
 Omnis obest species ; iuxta stat fracta tyara ;
 Et sparsi libri, gemmaque rapta manu.
 Vix superest nomen, quod mox absentia condant
 Sæcula ; vix ætas sera fuisse sciet.
 Hæc ego lamentans ; congestos dextra libellos
 Sparserrat ; in vultu frigidus horror erat :
 Cum subito increpore fores, et cardine verso
 Adstitit hæc visus ante figura ootis.
 Læte luce micant oculi, stat fronte venustus ;
 Cinxerat hæc variis texta corona rosis ;
 Ponicæ pectusque humerosque tegebat amictus,
 Collaque distinctus lembus obibat acu.

Illic me complexus : vane depono timores,
 Haud externos, ait, qui tibi vultus adest.
 Ille ego sum, quem tu lacrymis, et questibus arges
 Quemque redire velint, qui periisse dolent.
 Quid tu Pierides, quid Phoebi munera damnas,
 Et velles sophiae non teligime domum?
 Quod tibi non parant phoebes in sede receptu
 Fata; nec aeternum vivere posse datur?
 Tam tibi vita placens, quam nunquam ponere velles?
 Tantam vim vestris robis inesse potas?
 Adspice qua flamma niteo, quo splendeo in auro;
 Quae vestit vultum gratia, quaeque caput.
 At maiora adsunt, quae nunc mortalia fallunt
 Lamina, sidera condita in arce latent;
 Quae me divitiae, quae molcent gaudia, nec fas
 Dicere, nec cuiquam mento tenere licet.
 Accipio nunc: tanto quae nostros aoriz honore
 Causa animos? virtus hoc mea manus habet.
 Quod spreui, quae foeta animis ingentibus andax
 Mens peperit, superis impia bella movens;
 Quod forti eloquio quae fonderet impius urgens,
 Italiam totam, Parthenopemque dedi;
 Quod leui studio iuvenum praecordia finxi,
 Megae dedi hospitibus, pauperibusque ducem,
 Hi flores haec sarta ornant, celsaque locato
 In sede, aethereis fas mihi adesse choris:
 Et paras haurire undas, et ducere succos,
 Sideribus per quos aemula vita viget.
 At mihi quae vires, quo tanta movere tyranno
 Tartareo possem praelia, tanta pati?
 Parvus eram, tenuem dederat fortuna parentem,
 Commune ingenium, parvula in urbe locum.

Una mihi virtus, et quae tu despicias artes :
 Lata per has nostro semita facta pedi.
 Illae aluere animum, per doctos fama labores
 Venit; per damos gloriæ stravit iter.
 Tum mihi vel magni proceres cessare parentes,
 Et timuit vultus impia turba meos.
 Finge tibi indoctum, cui magni carta Platonis
 Ignota, nec sumquam pagina lecta Thomae :
 Quid facerem? qui me vellent audire docentem?
 Aut ad me durus verteret ora sophus?
 Ergo me stultum, an sapientem dicis in illa
 Cara, aut cum fato curam abiisse meo?
 Ah! redeant anni, cum primas doctus ad artes
 Pectora formabant, ingeniumque chorus :
 Hoc doleo, si quid fas corda dolere beata,
 Ingenio poteram condere plura meo.
 Forsitan ah! plures numerarem ex hoste triumphos,
 Maior et ornaret lux speciesque caput.
 At tu ne fato cedas, et mitte Camoenas
 Spernere, quod doctos mors rapit atra viros.
 Omnes mors aequat, sed sors non omnibus eoa;
 Iudicium est: varios illa habet aula gradus :
 Si cui mens, posset quæ plures ferre labores,
 Verticis aetherei hinc summa tenere datur.
 Dixit: et in tennes abiens evanuit auras,
 Altera tunc mihi mens consiliumque fuit :
 Et grati libri, et doctorum cura laborum,
 Quos mors nulla rapit, gloria magna manet.

620559

564



